

Vischnaunca da Breil

Regulativ dil vischinadi da Dardin

1995

- Art. 1 Territori
2 Vischins, dretg da votar, elegibladad
3 Organs
4 Radunonza da vischinadi
5 Il gerau
6 Ils revisurs da quen
7 La cumissiun da vischinadi
8 Il vice-gerau
9 Recuors
10 Buals e transits
11 Quen dil vischinadi
12 Demissiuns/propostas d'elecziun pils officials
communals
13 Determinaziuns finalas

Art. 1
Territori Il vischinadi da Dardin-Capeder sco fracziun politica dalla vischnaunca da Breil cumpeggia las duas scheinas dado e dadens baselgia.

Art. 2
Vischins, dretg da votar, elegibladad Vischins e vischinas ein tuttas personas – senza differenza da naziunalitad e dretg da burgheis – che habiteschan el territori numnau egl art. 1 ed ein registradas ella controlla da habitonts dalla vischnaunca da Breil.

Art. 3
Organs Ils organs dil vischinadi ein:
a) La radunonza da vischinadi
b) Il commember ella suprastanza dalla vischnaunca da Breil
c) La cumissiun da vischinadi
d) Ils revisurs da quen
e) Il vice-gerau

Art. 4
Radunonza da vischinadi Il gerau convochescha las radunonzas da vischinadi, numnadamain:
a) *La radunonza da rendaquen* croda mintga onn avon la radunonza da rendaquen da vischnaunca.
b) *La radunonza da propostas* per elecziuns ha liug mintga 3 onns avon las elecziuns dils officials communal.
c) *Radunonzas extraordinarias*

- a) Sch'il gerau anfla per necessari.
- b) Sche 10 votantas ni votants giavischan quei. Ina tala pretensiun sto daventar en scret ed esser motivada.
- c) Sch'ils cusseglers el vischinadi da Dardin el cussegl da vischnaunca giavischan quei.
Las tractandas previdas ein da publicar silmeins 3 dis avon la radunonza sin las tablas da publicaziun ni el Fegl ufficial.

La radunonza convocada a temps sa prender valeivlamein conclus dallas tractandas publicadas.
En votaziuns vala il relativ pli. Tier ulivada vegn la tractanda suspendida suenter la secunda votaziun.
Tier propostas d'elecziuns duei en principi vegnir scrutinau.

Da mintga radunonza da vischinadi ei da menar in protocol entras in commember dalla cumissiun. Tal vegn prelegius tier la proxima radunonza.

Art. 5
Il gerau ei il representant dil vischinadi en suprastanza communal. Il gerau Sper las obligaziuns ordinarias tenor uorden communal ha el il suandont pensum:
a) convocar, presidiar e menar las radunonzas da vischinadi
b) render rapport davart l'activitad el vischinadi
c) haver quitau da tutta proprietad dil vischinadi
d) organisar e menar atras las votaziuns el vischinadi ensemen cul vice-gerau.
e) Il gerau presidescha la cumissiun dalla fundaziun «Fondo uni-uns culturas Dardin».

Art. 6
Ils revisurs da quen dil vischinadi da Dardin vegnan mintgamai elegi per 3 onns. Sper lur pensum da revisur coopereschon els cun la cumissiun da vischinadi vid la preparaziun dallas propostas per las elecziuns dils officials communal.
Ils revisurs da quen

Art. 7
La cumissiun da vischinadi vegn elegida mintgamai per 3 onns a caschun dalla radunonza da vischinadi. Ella consista ord il commember da suprastanza communal, il revisur da quen communal ed il vice-gerau.
La cumissiun da vischinadi

Pensum dalla cumissiun

- a) Cusseglar il commember dalla suprastanza communal en damondas che pertuccan il vischinadi e ses interess.
- b) Preparar las propostas per mauns dalla radunonza dil vischinadi per:
 - ils commembers dalla cumissiun da vischinadi
 - ils officials da vischnaunca
 - ils officials da cumin
 - ils commembers da differentas cumissiuns e delegai en gremis communal e regiunals per mauns dalla suprastanza communal.

Cumpetenzza dalla cumissiun

La cumissiun ha la cumpetenzza d'in credit annual da frs. 500.– per intents specialis dil vischinadi.

Art. 8

Il vice-gerau

Quel vegn elegius dalla radunonza da vischinadi. El meina ils protocols dallas radunonzas da vischinadi, gida il gerau tier las votaziuns e substituescha il gerau el vischinadi en cass d'absenza da tal.

Art. 9

Recuors

Instanza da recuors ei la suprastanza communal.

Art. 10

Buals e transits

- a) Il bual dils tiers armentivs vegn buca practicaus.
- b) Il bual dils tiers manedels ei serraus la primavera e vegn aviarts ils 30 d'october, en relaziuns specialas decida la cumissiun. Ils tiers manedels ein, sch'ei setegnan si el vitg ni ella vischinonza dil vitg da metter en nuegl duront la notg.
- c) Gaglinas
Las gaglinas ein da tener mintgin sil siu.
- d) Transits
Pil transit dil funs dueien ils vials vegnir duvrai. Enten catschar biestga tras il funs duei vegnir dau tut adatg da buc caschunar donns.
Igl untgir e scursanir vials ed access a pei e cun vehichels ord relaziuns da cumadeivladad per serender tier ni naven dil liug da habitar ei buca lubiu.

Art. 11

Quen dil vischinadi

- a) La summa dallas talpas pegliadas vegn tagliada sin las envarnontas.
- b) Cavar dutgs ed expensas ordinarias (telefons, portos ect.). Cheu duei il tscheins dalla facultad vegnir duvraus, il rest vegn tagliaus sin fiugs.
Per cuvierer ulteriurs cuosts ed expensas extraordinarias se-drezza la cumissiun tier la suprastanza communal.

Art. 12

a) Demissiuns

La demissiun d'in uffeci communal ni d'ina scharscha en ina cumissiun communal ein da far a scret alla suprastanza communal entochen ils 28 da fevrer digl onn d'elecziuns. Las demissiuns vegnan publicadas dalla suprastanza communal el fegl official. La demissiun digl uffeci da gerau ei da far el medem temps al revisur da quen dil vischinadi.

Demissiuns/
propostas
d'elecziun pils
officials
communals

b) Elecziuns communalas

Entochen ils 30 d'avrel ha il vischinadi d'inoltrar alla canzlia communal la gliesta dils candidats tenor art. 12 dalla constituziun da vischnaunca.

La cumissiun da vischinadi prepara per las scharschas communalas las propostas per candidats sin la radunonza da vischinadi.

Mintga votant(a) ha il dretg da far propostas per mauns dalla cumissiun. Las propostas ein d'inoltar a scret al gerau.

Las propostas existentas ein da far enconuscent allas vischinas e vischins silmeins 8 dis avon che la radunonza da vischinadi ha liug (FUS).

A caschun dalla radunonza da vischinadi stat ei liber als vischins da far propostas per ulteriurs candidats. Ils proponi ston esser presents ni perstgisai alla radunonza e confirmar lur veglia da star a disposiziun per ina candidatura.

La radunonza da vischinadi ei il davos termin per far propostas che san aunc vegnir sin gliesta officiala dils candidats.

Las elecziuns vegnan fatgas tenor il regulativ communal per l'elecziun dils officials da vischnaunca.

Croda in candidat per president, gerau ni cumissiun da gestiun ord l'elecziun sa el sin giavisch ch'ei d'exprimer sil pli tard a caschun dalla radunonza da vischinadi, vegnir nominaus sco candidat per il cussegl da vischnaunca.

Per commembers da cumissiuns e delegai en differents gremis communalas e regionalas ord nies vischinadi, ils quals il cussegl da vischnaunca ei cumpetents d'eleger, san la cumissiun e la radunonza da vischinadi far concretas propostas per mauns dalla suprastanza communal.

Determinaziuns
finalas

Art. 13

Questa constituziun e regulativ dil vischinadi da Dardin passa en vigur cun l'approbaziun entras la radunonza dil vischinadi e cul conclus d'approbaziun dil cussegl da vischnaunca.
Cheutras passan tuts regulativs vegls ord vigur.
Sura regulativ ei vegnius prelegius ed approbaus en la radunoza dil vischinadi dils 10 da mars 1991.

Dardin, ils 10 da mars 1991 **Per la cumissiun da vischinadi**

il gerau: Cabernard Sep

Breil, ils 19 d'avrel 1991 **Per la suprastonza communal:**

il president: Sep Cathomas

igl actuar: Fridolin Cahenzli

Il cussegl da vischnaunca ha priu enconuschientscha ed approbau quest regulativ dil vischinadi da Dardin en la seduta dils 10 d'avrel 1991.

Breil, ils 10 d'avrel 1991 **Pil cussegl da vischnaunca**

Il president: Carigiet Primus

Il vicepresident: Livers Tarcisi

Revidius ed approbaus dil cussegl a caschun dalla seduta dils 9 da matg 1995.

Breil, ils 09 da matg 1995 **Per il cussegl da vischnaunca**

Il president: Adelrich Berther

Igl actuar: Paul Tomaschett